




**ჩვენი რედაქცია ასევე მისამართზეა:
მარბლის 7. ტელ. 2 93 37 87.**

საქართველოს



 **დაარსებულია 1918 წელს.** 

ხუთშაბათი, **23** აპრილი, 2015 წელი.
№73 (7718)

რესპუბლიკა

ელექტრონული ფოსტა: sakresp@mail.ru და sakresp@wanex.ge **ვებ გვერდი: www.sakresp.ge** **ფასი 50 თეთრი.**



რას აშენებს სოლოკოვსკი ასატიანზე ფსიქიატრიულის ნაგვლად?!

4

დიდი ინვესტიცია და ჩვენეული ჭორ-გართალი




ირაკლი ღარიბაშვილი:


ღეს არის კლიან კარგი შესაძლებლობა, რომ რეგიონების გაძლიერებაზე ვისაუბროთ, რომ რეგიონების გაძლიერებაზე. ეს ფორმატი არის საკმაოდ წარმატებული – მე-7 შეხვედრას ვმართავთ. თქვენ გაქვთ საშუალება, რომ მთავრობის წევრებს, პირადად მე დამისვით შეკითხვები, ჩვენ გან მოისმინოთ ინფორმაცია ნებისმიერ საკითხზე. ჩვენ ყველამ ერთად უნდა ვიზრუნოთ ჩვენი ქვეყნის განვითარებასა და იმ პერსპექტივებზე, რომელიც საქართველოს გააჩნია. ჩვენი მთავარი ამოცანაა, განსაკუთრებით გავააქტიუროთ რეგიონში პროცესები, იქ იყო მეტი აქტიურობა და ადგილობრივი ხელისუფლების, მოსახლეობის მეტი ჩართულობა. ჩვენ, ხელისუფლება მზად ვართ, რომ მაქსიმალური მხარდაჭერა აღმოგიჩინოთ ბიზნესის კეთების პროცესში და მაქსიმალურად გაგიადვილოთ ის პროცედურები, რომელიც შესაძლოა, იყოს შემაფერხებელი. ვგულისხმობ ბარიერებს, რომელიც წარმოიქმნება გაუგებარი ბიუროკრატიის შემთხვევაში. რაც შეეხება უშუალოდ პროექტს „ძლიერი რეგიონი – ძლიერი საქართველოსთვის“ ემსახურება შემდეგ მიზანს – დაინფოს რეგიონების სოციალურ-ეკონომიკური განვითარება“, – მიმართა პრემიერმა გულაურში შეხვედრაზე ადგილობრივ ბიზნესმენებს.

ნ. 4 33.

ტელევიზიაზე აღზრდილი თაობა



7



აფხაზებს ქართული კულტურის კვლევის იუნესკოს ნუსხაში შეტანა სურთ

6

ვინ შესახლდება ათონელის 26-ში?


„ორბელიანთა სასახლის“ მესამე სისოსხლა



3

რასაც ჩვენს გაზეთში წაიკითხავ, სვამან ვერ ნახავ!..

© ვინ შესახებდა ათონელის 26-ში?



„ორბელიანთა სასახლის“ მესამე სივრცე

თბილისში, ათონელის 25-ში მდებარე ორბელიანთა სასახლე, კაპიტალური შეკეთებისა და რესტავრაციის შემდეგ, ახალ მოზინადრეებს ელოდება. კოალიცია „ქართული ოცნების“ საარჩევნო დაპირების მიხედვით, ამ მისამართზე უნდა გადასულიყო საქართველოს პრეზიდენტის ადმინისტრაცია, ხოლო ავლაბრის სასახლეში უნდა გასწვრივყო ქართულ-ამერიკული ტექნოლოგიური უნივერსიტეტი, თუმცა, არჩევნების დასრულების შემდეგ გიორგი მარგველაშვილმა განაცხადა, რომ არ აპირებს ადმინისტრაციის ავლაბრიდან გადატანას. როგორ აპირებს მთავრობა ამ შენობის განკარგვას?

იგი თითქმის სამი წლის განმავლობაში ხარაჩოვში იყო ჩასმული. ისტორიული, ე.წ. ორბელიანების სასახლის რემონტი, ეზოს მოპირკეთებისა და კეთილმოწყობის სამუშაოებით, ჯამში, 25 მილიონამდე ლარი დაჯდა, თუმცა, პრეზიდენტმა გიორგი მარგველაშვილმა ჯერ კიდევ ერთი წლის წინათ თქვა უარი ახალ შენობაზე და სამუშაოდ მთავრობის კანცელარიის მე-13 სართულიდან ავლაბრის სასახლეში გადავიდა: „ორი ოთახის ფარგლებში ძალიან გვიჭირდა მუშაობა და, შესაბამისად, მივიღეთ ეს გადაწყვეტილება“.

თუმცა, ახალი შენობა იმაზე ბევრად მეტია, ვიდრე „ორი ოთახი“. რეგიონალური განვითარებისა და ინფრასტრუქტურის სამინისტროს ინფორმაციით, ათონელის 25-ში მდებარე შენობა, 6 ათასი კვადრატული მეტრით, გათვლილია ქვეყნის პირველი პირისა და მისი 250-კაციანი აპარატის საჭიროებაზე. ყოველივე ამის გათვალისწინებით, კოალიცია „ქართული ოცნების“ დამფუძნებელი და ყოფილი პრემიერ-მინისტრი ბიძინა ივანიშვილი გაუმართლებლად მიიჩნევს პრეზიდენტის მიერ ავლაბრის სასახლის დაკავებას: „აქვს კი მას ამ სასახლეში ცხოვრების უფლება? და აქვს კი მას უფლება 10 ათასი კვადრატული მეტრი თავისი ხასიათის შესაბამისად გამოიყენოს“

ის ვალდებულია, სახელმწიფო ქონება გამოიყენოს მაქსიმალურად ეფექტურად“.

საქართველოს მთავრობის გადამწყვეტილებით აღდგენილი შენობა, რომელიც აუქციონზე ვერ გაიყიდა, რომელიმე სახელმწიფო უწყებას გადაეცემა. ხელოვნებათმცოდნე თამარ ამაშუკელის თქმით, კარგი იქნება, თუკი ისტორიული შენობა შეავსებს საჯარო კულტურული სივრცის დეფიციტს, რომელიც თვალშისაცემია: „სადაც გაიმართება სხვადასხვა სახის კულტურული ღონისძიებები, დისკუსიები... ანუ გვექნება უფრო მეტი საჯარო სივრცე, რომელსაც გამოიყენებს თბილისის მოსახლეობა და არ იქნება რაღაც სამთავრობო ჩაკეტილი სტრუქტურა... ასეთი იყო გრიგოლ ორბელიანის დროს აქ მდგარი შენობა. ცხადია, სასახლის ფუნქციას ვერ დავუბრუნებთ, მაგრამ დისკუსიებისა და ლიტერატურული საღამოებისათვის საჭირო სივრცის გაკეთება ნამდვილად შეიძლება, თუმცა, ცხადია, გადამწყვეტილება მთავრობამ უნდა მიიღოს“.

თამარ ამაშუკელის თქმით, ათონელის 25-ში მდებარე შენობა მე-20 საუკუნის დასაწყისშია აშენებული და გამოირჩევა ტიპური თბილისური, ეკლექტიკური არქიტექტურით, ორბელიანების სასახლეს კი ეძახიან იმის გამო, რომ, საისტორიო ნაყოფის მიხედვით, ამ ადგილზე იდგა სასახლე, რომელიც თეიმურაზ მურეს უჩუქებია თავისი სიძის, დიმიტრი ორბელიანისთვის. სასახლის ბოლო მოზინადრე ყოფილა გრიგოლ ორბელიანი, რომლის ხელშიც იმართებოდა ხალხმრავალი ლიტერატურული საღამოები და სხვა სახის ღონისძიებები. მე-19 საუკუნის მიწურულს სასახლე მძიმე მდგომარეობაში აღმოჩნდა და დაინგრა, თუმცა, მის ადგილზე აშენებულ შენობას, რომელიც სულ ასლახან გაარემონტეს და აღადგინეს, დღემდე შემორჩა ორბელიანების სახელი.

გიორგი რაიონიშვილი,
რაიონ „თავისუფლება“

© ფრთხილად, ავარიულია!

ქველი შენობები და ახალი გადაწყვეტილება

თბილისში უამრავი ძველი და ექსპლოატაციიდან გასული შენობაა, რომელთა დიდი ნაწილი სულ მალე ავარიული გახდება. 5-სართულიან ე.წ. ხრუშჩოვებსაც, პრაქტიკულად, ამონურული აქვს თავისი ვადა. ძველი საცხოვრებელი კორპუსების ახლით ჩანაცვლება სამშენებლო სექტორის გააქტიურების ხარჯზე უნდა მოხდეს, მაგრამ პრობლემა სწორედ ის არის, რომ ბიზნესის ეს მიმართულება, აგვისტოს ომის შემდეგ, ვერაფრით დადგა ფეხზე. სახელმწიფო ამჯერად კიდევ ერთხელ ცდილობს დეველოპერთა დახმარებას.

სპეციალისტების ნაწილი აღნიშნავს, რომ ძველი, კომუნისტების დროს აშენებული შენობების მდგომარეობა ყველგან ერთნაირად საგანგაშო არ არის. მაგალითად, ზოგიერთი „ხრუშჩოვკა“ უფრო მყარია, ვიდრე მაგალითად, 15 წლის წინ აშენებული სახლი.

„სახლის ტექნიკურ მდგომარეობას მხოლოდ პროექტი არ განსაზღვრავს. ავარიულობის მიზეზი შეიძლება მშენებლობის, მასალის ხარისხის, გეოლოგიური პრობლემები თუ სხვა მიზეზები იყოს. თამამად შეიძლება ვთქვათ, რომ ძველ ქალაქში გაცილებით მძიმე მდგომარეობაა, ვიდრე „ხრუშჩოვების“ მიკრორაიონებში. მაგალითისთვის ახლაც სადგურის მოედანზე, რკინიგზელთა სახლი უადრესად ავარიულ მდგომარეობაშია. კედლები გაშლილია, დაზარალებულია. იქ არის აივნები, რომელიც შეიძლება ჩამოიშალოს და მსხვერპლიც მოჰყვეს. მართალია, ტერიტორია შემოღობილია, თუმცა, ჯერჯერობით ხალხი ტროტუარზე დადის და სარისკოა.“

ყოველ კონკრეტულ შემთხვევაში შესწავლა და ამა თუ იმ სახლის ტექნიკური მდგომარეობის საკითხის გადაწყვეტა აუცილებელია. ამიტომაც მერიამ ამ საკითხს ძალიან სერიოზულად უნდა მიხედოს“, – ამბობს არქიტექტორურბანისტი ლადო ვარდოსანიძე.

არქიტექტორი და ურბანისტი გიგათიაშვილი კი აცხადებს, რომ ე.წ. ხრუშჩოვები ძირითადად საქარხნო წარმოების შენობებია, რომლებიც უკვე სოციალურად ვარგისები აღარ არის. ამ საცხოვრებელი შენობების ვადად 25-30 წელი იყო განსაზღვრული, რაც ასევე სოციალური ფაქტორებით იყო განპირობებული. ახლა კი მათი დემონტაჟის დრო მოვიდა.

ძველი კორპუსების ახლით ჩანაცვლება კი ასე მარტივი არ აღმოჩნდა. ჯერ-

ჯერობით დედაქალაქს არც ერთი ასეთი მნიშვნელოვანი წამოწყება არ ახსოვს. მიზეზი ისაა, რომ სამშენებლო სექტორი ძალიან სუსტია ამგვარი პროცესების წარმართვისათვის. დეველოპერთა პრობლემა კი აგვისტოს ომს და ფინანსურ კრიზისს უკავშირდება.

სახელმწიფო ამჟამად კიდევ ერთხელ ცდილობს, დაეხმაროს მშენებლებს. 2008 წლის რუსეთ-საქართველოს ომის შედეგად დაზარალებული კომპანიები სახელმწიფოს მიმართ არსებული ცალკეული ფინანსური დავალიანებებისგან გათავისუფლებიან. საუბარია ე.წ. „კა 2“-ის მოსაკრებელსა და დამატებული ღირებულების გადასახადზე.

ახალი ინიციატივის თანახმად, რომელიც ამჟამად პარლამენტშია შესული, მოსაკრებლისგან განთავისუფლება არა მარტო ის შეჩერებული მშენებლობები, რომლებზეც ნებართვა არსებობდა, არამედ ისინიც, რომლებზეც არსებობდა შეთანხმება, მაგრამ არა დოკუმენტურად ნებართვა.

ჯამში, ამ ორი მიმართულებით საუბარია ათეულობით მილიონი ლარის ფინანსური ტვირთისგან კომპანიების გათავისუფლებაზე. ეს ორი შედეგადაც ერთად ბიძგს მისცემს შეჩერებული მშენებლობების განახლებას, რასაც ათასობით ოჯახი დიდი ხანია, ელოდება. აგრეთვე, შედეგადაც ერთი ისარგებლებენ სამშენებლო კომპანიები, რომლებიც ვალდებულია აიღებენ, რომ დღემდე შეჩერებული მშენებლობას 3 წელიწადში, 2018 წლის იანვრამდე დაასრულებენ.

პარლამენტის დარგობრივი ეკონომიკისა და ეკონომიკური პოლიტიკის კომიტეტმა პროექტის ცვლილებები უკვე განიხილა, თუმცა, ამ საკითხზე პლენარულ სხდომას არ უმსჯელია, რადგან კვორუმის არარსებობის გამო ჩაიშალა. სავარაუდოდ, მისი განხილვა უახლოეს სასესიო კვირას მოხდება.

ზაქა დანელია



© საოკუპაციო საზთან

რუსში სავაჭრო ცენტრი შეიქმნება ბაიხსნაში

„საპარტნიორო ფონდი“ მაისში რუხის მულტიფუნქციური სავაჭრო ცენტრის პროექტის განხორციელებას იწყებს. ფონდი რამდენიმე კვირაში დაასრულებს სავაჭრო ცენტრის არქიტექტურული მშენებლობის დეტალური პროექტის სამუშაოს, რის შემდეგაც სამშენებლო კომპანიის შერჩევის პროცესი დაიწყება.

პროექტის მიხედვით, სავაჭრო ცენტრი მრავალფუნქციური იქნება, სადაც სავაჭრო ფართების გარდა, სოფლის მეურნეობის პროდუქტების მიმღები პუნქტი, მცირე სამაცივრე დანადგარები და სხვა სახის ობიექტებიც განთავსდება. აქვე იქნება ფოსტა, აფთიაქი, ბანკი და ვეტერინარული კლინიკა.

მულტიფუნქციური სავაჭრო ცენტრი ზუგდიდის რაიონის სოფელ რუხში აშენდება. პროექტის ავტორთა განცხადებით, ცენტრის მშენებლობა 2015 წლის შემოდგომაზე უნდა დასრულდეს. როგორც „საპარტნიორო ფონდის“ საზოგადოებასთან ურთიერთობის სამსახურში განმარტეს, შენობის მშენებლის პროექტირებაზე მუშაობა უკვე მიმდინარეობს და მაისის შუა რიცხვებში დასრულდება.

ადგილობრივებს იმედი აქვთ, რომ სავაჭრო ცენტრის გახსნით მოსავლის რეალიზაციის პრობლემა ნა-



რებენ. ახლა მათ უფრო ნაკლები მანძილის გავლა მოუწევთ. მათ უფრო, აქ საჭირო ნივთების შექმნასაც შეძლებენ. ყველასთვის ძალიან სასიხარულო ინფორმაციაა და იმედია, დაპირებად არ დარჩება“, – ამბობს ჩვენთან საუბარში ზუგდიდელი მანანა თოდუა.

შარშან ასევე გავრცელდა ინფორმაცია „ერგნეთის ბაზრობის“ გახსნის შესახებაც. როგორც მაშინ ითქვა, მთავრობა მუშაობდა პროექტზე, რომლის მიხედვითაც, ოკუპირებული ტერიტორიების მომიჯნავე რეგიონებში – სამეგრელოსა და შიდა ქართლში – თავისუფალი ეკონომიკური ზონები უნდა შექმნილიყო. საუბარი იყო, ერგნეთის ბაზრობის მსგავს ცენტრებზე. ისიც ითქვა, რომ დეტალებზე საპარტნიორო ფონდი მუშაობდა და ბაზრობის გახსნა დეკემბრის ბოლოსთვის უნდა მომხდარიყო. ამასთან დაკავშირებით, ჩვენ დაუკავშირდით ეკონომიკის სამინისტროს, რომელმაც საპარტნიორო ფონდთან გადაგვამისამართა. როგორც საპარტნიორო ფონდში გვითხრეს, ერგნეთის თემზე მუშაობა არ მიმდინარეობს. როგორც ირკვევა, ერგნეთის საკითხი ჩაიშალა. თუმცა, ვრცელდება ინფორმაცია, რომ სოფელ ერგნეთის მახლობლად, საოკუპაციო საზთან „კულა“ აშენებს საკონსერვო ქარხანას, რისთვისაც კომპანიამ დაფინანსება პროექტის „ანარმოე საქართველოში“ ფარგლებში მიიღო.

მთავარია, დროულად აუხედეს!

რას აუხედებს სოდორკოვსკი ასათიანზე ფსიქიატრიულის ნასვლად?!

2015 წლის სექტემბერში თბილისში, კახეთის გზატკეცილზე ღია სივრცის სავაჭრო-გასართობი ცენტრი EastPoint Tbilisi გაიხსნება. გარდა ამისა, საბურთალოს საცხოვრებელი კომპლექსის Tbilisi Garden-ის მშენებლობა მიმდინარეობს. 120 მილიონი დოლარის ღირებულების ამ ორ პროექტს ერთი საერთო აქვს – ორივე მათგანს საინვესტიციო ფონდი Quadrum Global ახორციელებს, რომელიც საქართველოში შეიღწეული კომპანიების CBD Development-ისა და BD Property-ს სახითაა წარმოდგენილი.

დიდი ინვესტიცია და ჩვენული ჭირ-მართალი

რედ კომპანია CBD Development ახორციელებს.

EastPoint Tbilisi-ის გაყიდვებისა და მარკეტინგის დირექტორის ნინო გორგოძის განცხადებით, სავაჭრო-გასართობი ცენტრის მშენებლობა 2 წლის წინათ დაიწყო. EastPoint Tbilisi 21 ჰექტარზე განთავსდება. აქედან დაახლოებით 72 000 კვადრატული მეტრი გასაქირავებელი ფართია. სავაჭრო-გასართობი ცენტრი არის გახსნილი კონცეფცია – საფეხმავლო ქუჩებით, რაც მომხმარებელს შეუქმნის იმის აღქმას, თითქოს ქუჩაში დადის.

„ფორბსის“ რუსული გამოცემის ინფორმაციით, Quadrum Global-ი რუსული ნავთობკომპანია „იუკოსის“ ყოფილი მფლობელების – მიხაილ ხოდორკოვსკისა და პლატონ ლებედევის კუთვნილი კომპანიაა. გამოცემის ცნობით, Quadrum Global-ის აქტივები 2 მილიარდ დოლარს შეადგენს, კომპანიის მფლობელობაშია ასევე უძრავი ქონება აშშ-ში, დიდ ბრიტანეთში, ვიეტნამში, უკრაინასა და საქართველოში. კომპანიის მფლობელების შესახებ „ფორბსის“ რუსული გამოცემის მიერ გავრცელებულ ინფორმაციას უარყოფენ Quadrum Global-ის ქართულ წარმომადგენლობაში. EastPoint Tbilisi-ის გაყიდვებისა და მარკეტინგის დირექტორი ნინო გორგოძე bpn.ge-სთან საუბარში აცხადებს, რომ Quadrum Global-ს მიხაილ ხოდორკოვსკსა და პლატონ ლებედევთან შეხება არ აქვს.

„EastPoint Tbilisi დაყოფილია სამ ზონად – პირველი ზონა ეთმობა მაღაზიებს, სადაც განთავსებული იქნება ფეხსაცმლის, ტანსაცმლის, აქსესუარების მაღაზიები. გვაქვს რამდენიმე ტიპის კაფე, რესტორანი. რაც შეეხება მე-2 ზონას, პირველად საქართველოში EastPoint Tbilisi-ში ექსკლუზიურად IMAX ტექნოლოგიის კინოთეატრი იქნება, ასევე ბავშვთა გასართობი ცენტრი, რომელიც, დაახლოებით, 3 000 კვადრატულ მეტრზე განთავსდება და სადაც შესაძლებელი იქნება დაბადების დღეების გადახდა 2-დან 14 წლამდე ბავშვებისთვის. მე-3 ზონაში უკვე წარმოდგენილი იქნება BIG BOX-ები, კერძოდ, „კარფური“, ასევე სამშენებლო მასალების ჰიპერმარკეტი და საყოფაცხოვრებო ტექნიკის box-ი ავეჯით. EastPoint Tbilisi-ში წარმოდგენილი იქნება ყველა ის საერთაშორისო თუ ადგილობრივი ბრენდი, რომელიც წარმატებულად

„არ ვიცი, საიდან გავრცელდა ეს ინფორმაცია და რას ეყრდნობიან. ჩვენი პროექტის პარტნიორია ლონდონში დაფუძნებული საინვესტიციო ფონდი Quadrum Global, რომელიც განკარგავს კერძო პირების კაპიტალს და შესაბამისად, ახორციელებს ინვესტიციას სხვადასხვა ტიპის უძრავი ქონებაში. რაც შეეხება ქართულ წარმომადგენლობას – კომპანია CBD Development-ს, მისი დამფუძნებლები არიან სხვადასხვა ქვეყნის მოქალაქეები, მათ შორის, გენერალური დირექტორი ლიტვის მოქალაქეა. სამეთვალყურეო საბჭოში რუსეთის მოქალაქეც გვყავს, მაგრამ თქვენს მიერ დასახელებულ პიროვნებებთან ჩვენ შეხება არ გვაქვს“, – განაცხადა ნინო გორგოძემ.

საჯარო რეესტრის მონაცემებით, CBD Development-ი რეესტრირებულია 2010 წელს. კომპანიის 100%-ს შეზღუდული პასუხისმგებლობის საზოგადოება „ჰიდრანტ-გეა ბ.კ.“ ფლობს, რომელიც ნიდერლანდებშია რეგისტრირებული. თბილისში, კახეთის გზატკეცილზე, კერძოდ, კი თვალტრედილის ქუჩა №2-ში სავაჭრო-გასართობი ცენტრის EastPoint Tbilisi-ის პროექტს სწო-



ოპერირებს ადგილობრივ ბაზარზე“, – აღნიშნა ნინო გორგოძემ.

EastPoint Tbilisi-ის საინვესტიციო ღირებულება 90 მილიონ აშშ დოლარს შეადგენს. პროექტის ფარგლებში, დაახლოებით 3 000 ადამიანის დასაქმება იგეგმება. რაც შეეხება კვადრატული მეტრის ფასებს, იმის მიხედვით განისაზღვრება თუ რა ტიპის ფართზეა საუბარი და რა ფუნქციის მატარებელია, ამიტომ ამ ეტაპზე EastPoint Tbilisi-ში კონკრეტულ თანხას არ ასახელებენ, თუმცა, ამბობენ, რომ ფართის 80% უკვე გაქირავებულია. სავაჭრო ცენტრის ტერიტორიაზე შენობები უკვე აშენებულია. მიმდინარეობს სარემონტო, ასევე გამწვანების და ასფალტის საფარის დაგების სამუშაოები. EastPoint Tbilisi-ის გახსნა 2015 წლის სექტემბერის პირველ ნახევარში იგეგმება.



„Quadrum Global“ საქართველოში მეორე საინვესტიციო პროექტსაც ახორციელებს. ეს არის საცხოვრებელი კომპლექსი Tbilisi Garden, რომელსაც შპს BD Property აშენებს. საჯარო რეესტრის მონაცემების მიხედვით, BD Property-ის 100%-ს „ნენტალ ჰოლდინგ ბ.კ.“ ფლობს, რომელიც ნიდერლანდებშია რეგისტრირებული. კომპანიის დირექტორია ტომას გიჟასი,



რომელიც ამავდროულად CBD Development-ის სამეთვალყურეო საბჭოს წევრია.

Tbilisi Garden საცხოვრებელი კომპლექსია, რომელიც თბილისში, ასათიანის ქუჩაზე, ყოფილი ფსიქიატრიული საავადმყოფოს ტერიტორიაზე შენდება და დაახლოებით, 4 ჰექტარს მოიცავს.

„ამ ეტაპზე დაგეგმილია ერთი საცხოვრებელი ბლოკისა და გაყიდვების ოფისის მშენებლობა. სამშენებლო პროცესი დაახლოებით ერთი წელია, მიმდინარეობს. პირველ ეტაპზე, ჩატარდა განმედიოთი სამუშაოები. ტერიტორიიდან მოხდა საყოფაცხოვრებო ნაგავის გატანა, გასუფთავება. ამჟამად საძირკვლის სამუშაოები დასრულებულია და უახლოეს მომავალში უკვე მიწისზედა სამუშაოებს დაიწყებთ. ფიქრობთ, რომ გაყიდვებს სექტემბრიდან დაიწყებთ, რადგან გინდა, რომ რამდენიმე სართული იყოს აშენებული. პარალელურად ვაშენებთ თანამედროვე სტანდარტების გაყიდვების ოფისს, სადაც დაინტერესებულ პირებს შესაბამისი ინფორმაციის მიღების შესაძლებლობა ექნებათ. ამ პროექტის ფარგლებში დიდ აქცენტს ვაკეთებთ გამწვანებაზე. ჩვენთვის პრიორიტეტულია ეს მიმართულება. დაახლოებით, 900 000 ლარია გამოყოფილი გამწვანებისთვის. ფიქრობთ, რომ გაყიდვით სრული რემონტით, ჩაშენებული სამზარეულოთი, კომპლექსს ასევე ახლავს საინტერესო ინფრასტრუქტურა – საცურაო აუზი, სატრენაჟორო დარბაზი, დიდი და გამწვანებული ეზო, მინისქვეშა პარკინგი, ანუ მომავალი მაცხოვრებლებისთვის იქნება კომფორტული გარემო“, – განაცხადა ნინო გორგოძემ, რომელმაც კვადრატული მეტრის ღირებულების დაკონკრეტებისგან ამ ეტაპზე თავი შეიკავა.

მისივე თქმით, ერთი ბლოკის ინვესტიცია, რომელიც ამ ეტაპზე ხორციელდება, 30 მილიონი დოლარია. პირველი ბლოკის ფარგლებში 30 სართული აშენდება. პირველი რამდენიმე სართული დაეთმობა სატრენაჟორო დარბაზს, საცურაო აუზს, მინისქვეშა პარკინგს, ხოლო დანარჩენი ნაწილი იქნება საცხოვრებელი. „უახლოესი 5-6 წლის პერსპექტივაში შესაძლოა, კიდევ დავამატოთ ორი ბლოკი“, – აღნიშნა ნინო გორგოძემ. მისივე თქმით, არ არის გამოცხადებული, მომავალში აღნიშნული კომპანია საქართველოში კიდევ სხვა ახალი პროექტებით დაინტერესდეს.

ნათია რუხაძე

სარედაქციო ფოსტიდან

ჩვენში 65 წელია მამაკაცის საპენსიო ასაკი. ამ ასაკის ადამიანები სწორედ იმ თაობას მიეკუთვნებიან, ვის თავზეც საზოგადოებრივი წყობილების შეცვლა, ძმათა დაპირისპირება, ენერგოკრიზისი და ბოლო წლების ჭირ-ვარამმა გადაიარა.

ჩვენი მშობლები სიმწრით იხსენებენ მეორე მსოფლიო ომის პერიოდს, მაგრამ არანაკლები სიმძიმე და გაჭირვება ერგო სწორედ ამ თაობას. განსხვავება იმაშია, რომ მათი შრომა და გარჯა გარკვეულად დაფასებული იყო პერსონალური და სხვადასხვა სახის პენსიებითა და მთელი რიგი სოციალური შეღავათებით (თუნდაც ბინის მიღებით. ომის ვეტერანებსა და ინვალიდებს მანქანებსაც აძლევდნენ).

პენსია

ამას წინათ ქალაქის მერმა ბრძანა, ხელფასზე დანამატები იმისათვის არის, რომ მეტი შრომა უწევთ მერიისა და საკრებულოს თანამშრომლებსო. მამაცხოვრებელი, გაბზრიალებული კაბინეტებში და უმაღლესად გამართულ სამსახურებში, სადაც მოხვედრაზე ხალხი თავს იკლაკს, ხელფასის მომატებაზე ზრუნვა და 65 წელს მიღწეულ ადამიანებზე, ვინც ამდენ ჭირვარამს გაუძლო (ნახევარი ნერვებმოშლილი და დაზარალებული), მერე უნდა იზრუნოთ და ექსპერიმენტები უნდა უტაროთ დამატებულ ვაუჩერებსა და პენსიის

10-ლარიან დანამატზე? რა გულით უნდა იყვნენ ადამიანები ამის შემდგომ? პირდაპირ გეტყვი, ის ძველი გვენატრება, რადგანაც ასეთ საქართველოზე არავინ ოცნებობდა, მისი ტყე და სიმდიდრე ვაიდაცებმა ჯიბებში ჩაიდეს, გაიხსენეთ კონსტიტუცია „ქვეყნის წიაღისეული სიმდიდრე ხალხს ეკუთვნის“. ბოდიში და ბარემ ჩაგენწერათ კონსტიტუციაში ხაზარაძეებს, სიორიძეებსა და ჩხარტიშვილებს ეკუთვნით, თქვენ კი ვირის თავფეხით. თუ არ მეთანხმებით, შეგიძლიათ ეს წერილი დახიოთ, თუმცა, ესეც არაფერია, რადგანაც ცხოვრება დაგვიხიეს.

ნოე კალანდია,
ჟუტუ ბარამიძე,
პენსიონერები

ალიან-ჩალიანი

მინისტრის მოადგილეა თანამდებობები დატოვოს

საბარტოველი რეგიონული განვითარებისა და ინფრასტრუქტურის მინისტრის მოადგილეები თანამდებობიდან გათავისუფლდნენ. შესაბამისი ბრძანება პრემიერ-მინისტრმა ირაკლი ლარიაშვილმა გამოსცა, რომელიც მთავრობის ოფიციალურ ვებ-გვერდზე გამოქვეყნებულია.

ბრძანებულების მიხედვით, უფლებამოსილება შეუნწყდათ როგორც მინისტრის პირველ მოადგილეს, ისე მოადგილეებს.

„შეუნწყდათ უფლებამოსილება საქართველოს რეგიონული განვითარებისა და ინფრასტრუქტურის მინისტრის პირველ მოადგილესა და მოადგილეებს „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 23-ე მუხლის მე-2 პუნქტის საფუძველზე“, – ნათქვამია პრემიერ-მინისტრის ბრძანებაში.

რეგიონული განვითარებისა და ინფრასტრუქტურის მინისტრმა დავით შავლიაშვილმა პრემიერს გადადგომის თხოვნით მიმართა, რის მიზეზდაც ჯანმრთელობის პრობლემები დაასახელა. ირაკლი ლარიაშვილმა შავლიაშვილის შემცველად ნოდარ ჯავახიშვილი დაასახელა. კანონმდებლობის მიხედვით, მინისტრისთვის უფლებამოსილების შეწყვეტის შემდეგ მისი მოადგილეები ავტომატურად ტოვებენ თანამდებობას.

ინტერპრესი

ფეხბურთი



მს (არ) უნდა მომხდარიყო

„პორტუ“ ბაგარიის დედაქალაქში ყინვად კი ჩავიდა, მაგრამ პირველივე ტაიმში დადო კვერცხი. ჯერ ის ვიკითხოთ, რას ეფუძნებოდა სტუმართა ოპტიმიზმი...



რაც შეეხება „ბარსელონას“, კატალონიური გრანდი მეთერთმეტედ (მათ შორის მეექვსედ — ზედიზედ) გავიდა ჩემპიონთა ლიგის ნახევარფინალში...

ახალ ავალუაში

ვიქტორია ჩილიტა ჭადრაკისთვის ველარ მოისლის

ცნობილი ლიტველი მოჭადრაკე, საერთაშორისო დიდოსტატი, ევროპის ექს-ჩემპიონი ვიქტორია ჩილიტე თავისი ქვეყნის საკანონმდებლო ორგანო სეიმის დეპუტატი გახდა.



ხელბურთი

ბარსელონა - კელსე, კილი - პესკარეი

ხელბურთის ჩემპიონთა ლიგის ოთხთა ფინალის წილისყრა გამოავლინა ნახევარფინალური წყვილები. 30 მაისს კიოლნი ითამაშებენ ბარსელონა-კელსე, კილი - ვესპრემი.

ხილოს და ფორმალურად მხოლოდ ამის შემდეგ დადასტურდება რუმინული კლუბის ფინალისტობა. ჩემპიონთა ლიგა. კაცები. ოთხთა ფინალი, კიოლნი, 30-31 მაისი.



ბარსელონა (ცხ) - კელსე (პოლ), კილი (გერ) - ვესპრემი (უნგ).

ლინი (გერ), სკიერნი (დან) - ჰამბურგი (გერ). ჩელენჯ კაპი. კაცები. ფინალი. 16/17-23/24 მაისი.

ავტოსპორტი

ფეტელს ჯარიათ ელის

ბაჰრეინის დიდი პრიზის მეორე თავისუფალი პრაქტიკის დროს სებასტიან ფეტელსა და სერხიო პერესს შორის მცირე ინციდენტი მოხდა - „ფერარის“ პილოტი პიტ-ლენინიდან ტრასაზე ბრუნდებოდა, როცა პირველ მოსახვევში შესვლისას მექსიკელთან მცირე შეჯახება მოუვიდა.




ბლემის შეცვლაზე მეტი დროის დახარჯვა პილოტის სატურნირო მდგომარეობაზე და რბოლის შედეგზე უარყოფითად არ მოქმედებს.

სტიუარდები პილოტებს სტარტზე უკან დაწვეთ აჯარიმებენ. ამასთან, ადგილების რაოდენობა ინდივიდუალურად წყდება.

ინტერნეტიდან

ირინა შეიკს ჯასტინ ბიბერი უნაშვალა

უკვე ვნერდით, რომ კრიშტიანუ რონალდუსთან დაშორების შემდეგ ცნობილ მოდელს ირინა შეიკს პოპულარული თუ ნაკლებად პოპულარული მამაკაცების რიგი დაუდგა და ამ უშვარტესი გოგონას საწოლში შეთრევას ისეთი ხალხიც კი ცდილობს, რომლებიც აქამდე ამაზე ალბათ ვერც იოცნებებდნენ.



პოპულარული ახალგაზრდა მომღერალი ჯასტინ ბიბერი სულ რაღაც გულში გაეყარა სიჭაბუკეს და უკვე ისე „გათავსებდა“, რომ ირინა შეიკს ეკურკურება და უფრო მეტიც - ჯასტინს იმედი აქვს, რომ ამ რუსთა გოგოს ისე მოხიბლავს, რომ უამრავი თავყვანისმცემლებიდან ირინა მაინცდამაინც მასზე შეაჩერებს არჩევანს.

ამ რამდენიმე დღის წინ ერთ-ერთ საზეიმო ბანკეტზე ახლახანს 21 წლის მოყვრილი ჯასტინ ბიბერი საქვეყნოდ და დაუფარავად ეგანცქვეალებოდა ირინა შეიკს და მიუხედავად იმისა, რომ ამ უკანასკნელს დიდი ინტერესი არ გამოუმჟღავნებია, ჯასტინი ჯიუტად აგრძელებდა თავისას. აბა, რა უნდა თქვა ამ ამბავზე? „ოდეს ტურფა გაიადფესო“ - უთქვამს შოთას...

სახელმწიფო ჯარისკაცებისთვის

ფსიქოლოგიის როლი სამხედრო საქმეში

მართული ჯარი ვითარდება, მაგრამ ამის პარალელურად, ნაკლებად ვითარდება სამხედრო ლიტერატურა, რომელიც ჯარისკაცებს თეორიულ ცოდნას გაუღრმავებს. ამ ფონზე მისასაღებელია ახალი წიგნის გამოცემა — „ფსიქოლოგიის როლი სამხედრო საქმეში“, რომელიც ფსიქოლოგის დოქტორმა, პროფესორმა თამარ ბაკურაძემ შესთავაზა საზოგადოებას.

ბის საფუძვლების ცოდნა, — წერია შესავალში. წიგნში მოცემულია ისეთი საინტერესო საკითხები, როგორცაა განწყობის როლი პროფესიის არჩევაში, პირადი შემადგენლობის ფსიქოლოგიური მომზადება, ნიშანთა სისტემა სამხედრო საქმეში, მეომრის ხასიათის თავისებურებანი და ა. შ.

თამარ ბაკურაძეს მრავალწლიანი გამოცდილება აქვს იმის საფუძველზე, რომ ღრმად ანალიზი გაუკეთოს ყველა ამ საინტერესო თემას და ჯარისკაცების ფსიქოლოგიურ მომზადებაში თავისი წვლილი შეიტანოს. ის 1978 წლიდან აქტიურად მუშაობს თავდაცვის სამინისტროში, სამხედრო აკადემიაში, სხვადასხვა უნივერსიტეტში, სწორედ ფსიქოლოგიის მიმართულებით და პრაქტიკული გამოცდილების საფუძველზე აქვს ყოველი თეორიული მასალა მომზადებული. გამოქვეყნებული ნაშრომების ნუსხა 30-ს სცილდება. გამოცემული აქვს 2 მონოგრაფია: „სამხედრო ფსიქოლოგია“ (1999 წ.) და „მუსიკის სემანტიკური მნიშვნელობის ფსიქოლოგიური დახასიათება“ (2006 წ.). უნდა ითქვას, რომ თამარ ბაკურაძის მეორე სპეციალური ხელოვნებაა. მას დამთავრებული აქვს თბილისის კონსერვატორია ფორტეპიანოს სპეციალობით. თუმცა, მისი ძირითადი პროფესია ფსიქოლოგიაა და ამ მიმართულებით წარმართა კიდევ საქმიანობა. „ფსიქოლოგიის როლი სამხედრო საქმეში“ საინტერესო სახელმძღვანელოა. წიგნის რედაქტორია ლ. მილდანი. ცნობილია, რომ ფსიქოლოგია ექსპერიმენტული მეცნიერება გახდა. ამდენად, ეს წიგნიც თავის სათქმელს ზუსტად ამბობს...

ფსიქოლოგიის როლი სამხედრო საქმეში



თამარ ბაკურაძე

„საზღვარგარეთის ქვეყნებში და ასევე ჩვენს ლიტერატურაში შექმნილია შრომები, რომლებიც ეძღვნება პროფესიული ფსიქოლოგიური შერჩევის პრობლემას. მიუხედავად ამისა, ჯერ კიდევ მცირეა ფუნდამენტური შრომები, რომლებიც ახსნიან პროფესიულ ფსიქოლოგიური შერჩევის ურსს სამხედრო სპეციალობაში და გააშუქებენ მის პრინციპულ საკითხებს. ამ პრობლემის კვლევა მოითხოვს მისდამი კომპლექსურ მიდგომას. მართალია, იგი ჩვენს წინაშე დგას, როგორც ფსიქოლოგიური პრობლემა, მაგრამ მისი გადაწყვეტისთვის აუცილებელი პირობას წარმოადგენს პედაგოგიის, სოციოლოგიის, მედიცინის, სამხედრო სპეციალო-

თამარ ბაკურაძე

იპოვნეთ იპოვი

როგორ მოვიქცეთ, როდესაც გვლანძღავენ?

იპოვნის ერთ-ერთ სოფელში მოხუცი სამურაი ცხოვრობდა. ჰყავდა უამრავი მოსწავლე და დროის უმეტეს ნაწილს მათ წერთანში ატარებდა. ერთხელ, ვარჯიშის დროს მასთან მივიდა ახალგაზრდა მეომარი, რომელსაც იმ მხარეში განსაკუთრებული უხეშობითა და სისასტიკით იცნობდნენ. მისი საყვარელი მეთოდი მოწინააღმდეგის ნერვებზე თამაში იყო, რითაც მწყობრიდან გამოჰყავდა ისინი. განრისხებული ადამიანები მას ორთაბრძოლაში იწვევდნენ, მაგრამ ბრძანისგან დაბრმავებულნი შეცდომას შეცდომაზე უშვებდნენ და მარცხდებოდნენ. ამ ახალგაზრდამ მოხუცის დაცინვა და ლანძღვა-გინებაც დაიწყო. აფურთხებდა, უძღურს, მშიშარასა და ლაჩარს უწოდებდა. მოხუცი არაფერს იმჩნევდა და მშვიდად აგრძელებდა მოსწავლეებთან მუშაობას. ბოლოს და ბოლოს, ახალგაზრდა მიხვდა, რომ არაფერი გამოუვიდოდა და იქაურობა გალიზიანებულმა დატოვა. მოსწავლეები გააოცა მოხუცი სამურაის მოთმინებამ — მან ხომ ამდენი შეურაცხყოფა აიტანა, ამიტომ ჰკითხეს: — რატომ არ გამოიწვიეთ ეს თავხედი ორთაბრძოლაში? ნუთუ დამარცხების შეგუწმინდათ? მოხუცი სამურაი წამით ჩაფიქრდა და შემდეგ კითხვითვე მიუბოძა: — თუ თქვენ საჩუქარს მოგცხადებენ, მაგრამ მას არ აიღებთ, მაშინ ვის დარჩება ეს საჩუქარი? — რა თქმა უნდა, იმას, ვინც მოგვითხანა, თუ სხვას არ მისცა, — უპასუხეს მოსწავლეებმა. — იგივე ხდება ლანძღვა-გინების, შურის, ბოღმისა და სიძულვილის შემთხვევაშიც. სანამ თქვენ არ მიიღებთ მათ, რჩება იმასთან, ვინც ისინი მოიტანა.

მოამზადა თეონა რაბაზაშვილმა „პრესა.ჯი“

რეკლამა მაგისტრის ქ. №7. „საქართველოს რესპუბლიკაში“ 29 3-37-87; 568 82-09-84..

გახსენება

იური კაკაპა

ოცდაორი წელი გავიდა, რაც დევნილის (ლტოლვილის) სტატუსს ვატარებთ საკუთარ სამშობლოში. ამ ხნის განმავლობაში უამრავი ჩვენი თანამემამულის სული ერთმანეთის მიყოლებით გადავიდა ზეციურ საქართველოში, ხოლო მათი ნეშტი ჩვენი ქვეყნის სხვადასხვა რეგიონის თუ კუთხის მიწამ მიიზარა. სად არ იხილავთ აფხაზეთიდან და სამაჩაბლოდან იძულებით გადაადგილებულ პირთა საფლავებს, თითქმის ყველა რაიონსა და ქალაქში გახსნილია ე.წ. ლტოლვილთა სასაფლაოები. ამ მხრივ, შეიძლება ითქვას, „გაუმართლა“ ბ-ნი იური კაკაპას — იგი დაიკრძალა სამეგრელოს შუაგულში, ზუგდიდში, აფხაზეთის ადმინისტრაციული საზღვრიდან რამდენიმე კილომეტრში და ერთი წელიც მიიწურა უკვე, რაც ჩვენს შორის აღარ არის.



ტიკული ნაღვანი, ალბათ, დიდხანს დარჩება მოსაგონრად მომავალ თაობებს. ალბათ, დევნილობის მძიმე პერიოდმა უბიძგა ბ-ნი იურის, რომ 2005 წელს გამოეცა 500-გვერდიანი წიგნი „ტრაგედია“. ამ ნაშრომით მან არა მარტო საკუთარი, არამედ სხვისი სათქმელიც გააუღერა. პროზა, პოეზია, პუბლიცისტიკა და აფხაზეთში დატრიალებული ტრაგედია ერთ წიგნად შეკრა და სამსჯავროზე გამოიტანა. ღმერთმა უწყის, შეიძლება მას წინაგაგრძობა კარნახობდა, აბა რა ძალამ დაანერინა თერთმეტი წლის წინათ, ეს ლექსი, რომელსაც „ანდერძი“ დაარქვა:

როს მოგვედები, ჩემს საფლავზე სიცოცხლეში მუდამ ვფიქრობ, სხვა მიწა არ დამაყარო, სხვა მიწას მე ვნოსვით ვიგრძნობ.

ძირძველ მიწის შვილი ვარ და მის ცვარ-ნამს და ორთქლსაც ვცნობ. მისი ძარღვის შვილი ვარ და მშობელ მიწამ დამამინდა.

ღვთის კურთხეულს აღარ დავთმობ, თუნდაც ერთი გოჯი იყოს. ათი წელი მაშორებს და საუკუნეს ვითვლი თითქოს.

ტკილია და მეტად თბილი, დედის მკერდი იყოს ვითომ. მშობელ მიწას ჩავეკვრები, საქვალეა ჩემი მითომ!

დაიხ, ბატონებო, ოჯახმა და მეგობრებმა მას თხოვნა აუსრულეს. დასაფლავების დღეს გულზე მოაყარეს გალიდან, მისი ეზოდან ჩამოტანილი მიწა და ამ მიწას ჩახუტებული ერთი წელია, მშვიდად განისვენებს.

კარგად ვიცნობდი, ვცხოვრობდი მის სახლთან ახლოს, დამთავრებული გვექონდა ერთი უმაღლესი სასწავლებელი, სხვადასხვა სპეციალობით, პარტიის გალის რაიონულ კომიტეტში მისი მდივნობის დროს და გალის რაიონული საბჭოს აღმასკომის თავმჯდომარეობის პერიოდშიც მიმუშავებოდა მასთან ერთად. დევნილობის დროსაც სწორად ვხვდებოდით ერთმანეთს. ჩემს მეორე წიგნზე, „ოჯახი და ენერგეტიკა“ მუშაობისას, სასარგებლო კონსულტაციას მიწევდა. მისი ბევრი რჩევა-დარიგება მასსოვს, ამიტომ ჩაეთვალე საჭიროდ ამ გაზეთის მეშვეობით, საზოგადოებისთვის კიდევ ერთხელ შეგხსენებინა იური კაკაპას სახელი. გარდა ამისა, არსებობს კიდევ ერთი მიზეზი: ამას წინათ გაზ. „საქართველოს რესპუბლიკა“ 2014 წლის 21 იანვრის ნომერში გამოქვეყნებული იყო ნალენჯიხის კოლორიტი პიროვნების, საქართველოს პარლამენტის წინა მოწვევის დეპუტატის, ბატონი ვალერი ჭანტურიაშვილის სტატია „კაცისა ჰქონდა ყველა თვისება“, სადაც იგი ძალიან თბილად იხსენებს გალისა და აფხაზეთის ინტელიგენციის თვალსაჩინო წარმომადგენელს, გალის რაიონული საბჭოს აღმასკომის ყოფილ თავმჯდომარეს, ან განსვენებულ ნიკოლოზ აქვსენტის ძე თოდუას. სტატიის წაკითხვის შემდეგ დავურეკე ბ-ნი ვალერის და ჩემი თანაქალაქელების სახელით მადლობა გადავუხადე დიდი პიროვნებისა და დამსახურებული ადამიანის მოგონებისათვის. მაშინ იური კაკაპა ცოცხალი რომ ყოფილიყო, ამას ჩემზე უკეთესად გააკეთებდა. ბ-ნი იური კაკაპას გარდაცვალებამ გული დასწყვიტა არა მარტო მის ქალაქსა და რაიონს, არამედ მთელ ზუგდიდს, სადაც იგი 20 წლის განმავლობაში ცხოვრობდა და მოღვაწეობდა.

ნუგზარ სართანია ბალო-გუბილი.

პრიმიტივი

შპს „შემოქმედების“ და შპს „ჯორჯიან კომპანის“ დირექტორები დააკავეს

შპს-ს დოკუმენტების დამზადება-გამოყენებისა და სახელმწიფო ბიუჯეტის კუთვნილი დიდი ოდენობით თანხის მართლსაწინააღმდეგოდ დაუფლებისთვის ფაქტზე, შპს „შემოქმედების“ დირექტორი გია შილაკაძე და შპს „ჯორჯიან კომპანის“ დირექტორი ვალერიან კაკაპია დააკავეს. ფინანსთა სამინისტროს საგამოძიებო სამსახურის ცნობით, დადგენილია, რომ ჩოხატაურის მუნიციპალიტეტის გამგეობის მიერ გამოცხადებულ ელექტრონულ ტენდერში გამარჯვებულად გამოვლინდა შპს „შემოქმედების“, რომელთანაც 2014 წლის 11 ივნისს გაფორმდა ხელშეკრულება საბავშვო ბაღების სარეაბილიტაციო სამუშაოების განხორციელების თაობაზე. „2014 წლის 12 ივნისს კი აღნიშნული სამუშაოების შესრულება შპს „შემოქმედების“ თავის მხრივ და-

უკვეთა შპს „ჯორჯიან კომპანის“. ჩატარებული საგამოძიებო მოქმედებების და ექსპერტიზის დასკვნების მიხედვით დგინდება, რომ აღნიშნული კომპანიების მიერ ფაქტობრივად შესრულებული სამუშაოების ღირებულება გაცილებით ნაკლებია გამოცხადების წარდგენილ აქტებში ასახვულ სამუშაოების ღირებულებაზე. შესაბამისად, ბრალდებულებმა ამ გზით მიითვისეს სახელმწიფოს კუთვნილი დიდი ოდენობით ფულადი სახსრები“, — აცხადებენ საგამოძიებო სამსახურში. მათივე ცნობით, ასევე დადგენილია, რომ ტენდერის დროს კომპანიის გამოცდილების დასადასტურებლად, ბრალდებულებმა შესყიდველის სააგენტოს ვებ-გვერდზე ატვირთეს ყალბი ინფორმაცია, თითქოსდა 2012 წელს შესრულებული ჰქონდათ ანალოგიური ტიპის, 250 000 ლარის ღირებულების სამუშაოები.

